

Tulun-an 5

ANG DIOS NAGAKABALAKA KON PAANO MO GINAKABIG ANG IBAN



Tun-i ini nahanungod sa Dios

Ang Dios nagabulig sa mga ginikanan sa pagtatap sa ila nga anak.

Ang Dios nakahibalo sang imo balatyagon sa iban.

Ang Dios nagasilot sadtong nagabuhat sang sala sa iban.

Ang Dios buot nga magmaayo ka sa iban.



Basaha ini gikan sa Biblia
Basaha sing mabaskog sing 5 besess.

...Ginsumpung ni Cain si Abel nga iya utod kag ginpatay siya. Kag namangkot ang Dios kay Cain, "Diin bala si Abel nga imo utod?" Genesis 4:8,9.

Mabuhat mo bala ini?

Tipoloni ang husto nga sabat.

1. Ano ang buhaton sang Dios sa nagabuhat sang malain sa iba?

kalimutan pakamaayohon silutan

2. Mahibaloan bala sang Dios kon ikaw maakig sa iban?

Huo indi kon kaisa

3. Sin-o ang nagpatay sa iya utod nga lalaki?

Adam Abel Cain

Mga Sabat

1. silutan

2. huo


3. Cain

Mga tinaga nga tun-an mo

Ang dulot amo ang butang nga ginahatag sang tawo sa Dios.
Ang halad amo ang buhi nga bagay nga ginahatag nga dulot sa Dios.
Ang pagpakamaayo amo ang paghimo sang maayo para sa isa ka tawo.

Ang Dios magabulig sa mga ginikanan sa pagtatap sa ila mga anak. Linyahi ang tanan nga tinaga gikan sa • tubtob sa •

Si Adam kag si Eva may madamo nga mga anak.
Ang ila una nga anak nga lalaki amo si Cain.
Ang ika-duha amo si Abel. Si Cain kag si Abel amo ang una nga mga anak kag una nga mga mag-utod sa kalibutan.
Nagtrabaho sing mabudlay si Adam kag Eva sa pagtatap sang ila mga anak.



Naghimo sila sang isa ka talamnan


Gintatap nila ini kag gintipon ang pagkaon

nga ila kaonon. Nagasagod sila sang mga karnero kag kanding para sa ila gatas, keso kag mga panapton.

• Gintudlo-an nila ang ila mga anak sa pagtrabaho. Kag ginatudloan nila sila nahanungod sa Dios. •

Nahibaloan sang Dios imo balatyagon sa iban.

Si Cain naghatag sang iya dulot sa Dios sang mga pagkaon nga iya gintanom. Si Abel naghatag man sa Dios sang Dulot nga isa ka kordero, agud mamatay sa iya mga sala. •Ginahigugma sang pareho sang Dios si Cain kag si Abel. • Ang Dios nagpakita sa ila sang paagi sa pagpalapit sa Iya. Sila magadala sang halad para sa sala katulad sang ginbuhat ni Abel. Ginpakamaayo sang Dios si Abel kag pinatawad ang iya mga sala.



Si Cain indi buot mamati sa Dios. Luyag niya buhaton ang iya kabubut-on. Naakig siya sa Dios tungod ginpakamaayo si Abel. Si Cain naakig man kay Abel.

Nahibaloan sang Dios kon ano ang nabatyagan ni Cain. • Nahibaloan sang Dios nga kon magpadayon ang iya pagkaakig magahimo sia sing malain.. • Ang Dios naghambal kay Cain kag namangkot Sia, "Nga nagakaakig ka?" Apang si Cain indi mamati sa Dios. Nangakig si Cain. Gindumtan niya si Abel nga iya utod.

Ang Dios nagasilot sadtong nagabuh sang sala sa iban.

Sa ulumhan isa ka adlaw pinatay ni Cain si Abel.

Makangilidlis yadto nga sala. Nakita sang Dios ang ginbuhat ni Cain. Ginsilutan sang Dios si Cain. • Indi sang Dios si Cain pagpapuy-on sa iya panimalay. Si Cain kag ang iya asawa naglakat sa pagkabuhi sang kinaugalingon.



Buot sang Dios nga magmaayo ka sa iban.

Sala ang magdumot sa iban nga tawo. Ini nga sari sang sala nagatulod sa tawo nga manakit sa iban. Ini nga sala nagapaaway kag nagapapatay. Ang sala nagapahamulag sang mga katawohan sa isa kag isa. Ang sala naga guba sang puluy-an



Buot sang Dios nga patawaran ang aton sala kag himoon kita nga maayo. Buot sang Dios nga kuhaon ang aton paghinakit kag hatagan kita sang gugma sa tagsa-tagsa. Bangod sini kita magmalipayon.

Naakig ka bala sa iban nga tawo? Nagapa-ngayo ka bala sa Dios nga kuhaon ang imo maakigon nga balatyagon? Buot mo bala nga magpakig-upod sing maayo sa iban? Sauloha ini nga pangamuyo.

Pangamuyo:

O Ginoo, indi ako pagpabay-i nga manginkasubong ni Cain. Buligi ako sa pagkabig sing maayo sa iban. Patawara ang akon maakigon nga mga hunahuna. kag pulong. Himoa ako nga maayo, maluloy-on kag mahigugmaon.




Karon sulati ang imo Rekord sang Estudyante sa Leksyon 5.

ANG DIOS NAGAKABALAKA KON
PAANO MO GINAKABIG ANG IBAN

KALINGAWAN PARA SA IMO

Kolore ang larawan

Ang mabangis nga mga hayop nagapakig-away
kag naga pamatay. Kinahanglan bala
nga maginsubong kita sa ila?



Linyahi halin sa tagsa ka pamangkot padulong sa husto nga sabat.

- | | | | |
|--|---|---|------|
| 1. Nagakabalaka bala ang Dios sa aton pagkabig sa isa kag isa? | • | • | Cain |
| 2. Sin-o ang nagdala sang hayop nga halad sa Dios para sa iya sala? | • | • | Huo |
| 3. Sin-o ang naakig sa iya utod? | • | • | Dios |
| 4. Sin-o ang nagpaandam sa isa ka utod nga lalaki nga sia makasala kon sia maakig? | • | • | Abel |

Linyahi ang husto nga mga sabat:

5. Paano mo kabigon ang iban suno sa pagbuot sang Dios? Awayon higugmaon patawaron kaugtan

Sabta ining mga pamangkot:

6. Madali bala ang maglikaw nga indi maakig?
7. Kon maakig ka nagabuhat ukon nagahambal ka bala sang butang nga ginahinulsulan mo sa ulihi?
8. Buot mo bala nga buligan ka sang Dios nga indi ka maakig sa iban?
9. Ano bala ang dapat mo nga buhaton kon ikaw maakig?
- Ginbuhat mo bala ang tanan sa sini nga tulun-an?
- Isulat sing maathag ang imong ngalan
- Grado

Ang imo eksamin pagagradohan kag ibalik sa imo upod sang masunod nga tulun-an. Malipay kami kon magsulat ka sa amon. Mamangkot ka kon may mga butang nga buot mo mahibaloan samtang nagatuon sini nga kurso. Ipadala ini sa ICI, Philippine National Office, P.O. Box 1084, Manila.